

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«___» _____ 2016 թ.

N ____-Ն

ք.Ստեփանակերտ

ՄԵԽԱՆԻԿԱԿԱՆ ԵՂԱՆԱԿՈՎ ՄԱՏԱԿԱՐԱՐՎՈՂ ՈՌՈԳՄԱՆ ՋՐԻ ՀԱՄԱՐ ԾԱԽՍՎԱԾ ԷԼԵԿՏՐԱԷՆԵՐԳԻԱՅԻ ԱՐԺԵՔԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՓԵՏՐՎԱՐԻ 12-Ի N 54-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 13-րդ և 73-րդ հոդվածներին համապատասխան՝ Լեռնային Ղարաբաղի Հանրապետության կառավարությունը **որոշում է.**

1. Հաստատել մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը՝ համաձայն հավելվածի:

2. Ուժը կորցրած ճանաչել Լեռնային Ղարաբաղի Հանրապետության 2015 թվականի փետրվարի 12-ի «Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի մասնակի սուբսիդավորման կարգը հաստատելու մասին» N 54-Ն որոշումը:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա.ՀԱՐՈՒԹՅՈՒՆՅԱՆ

ԿԱՐԳ
ՄԵԽԱՆԻԿԱԿԱՆ ԵՂԱՆԱԿՈՎ ՄԱՏԱԿԱՐԱՐՎՈՂ ՈՌՈԳՄԱՆ ԶՐԻ
ՀԱՄԱՐ ԾԱԽՍՎԱԾ ԷԼԵԿՏՐԱԷՆԵՐԳԻԱՅԻ ԱՐԺԵՔԻ
ՍՈՒԲՍԻԴԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորմանն ուղղված միջոցառումների (այսուհետ՝ միջոցառումներ) իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) **մեխանիկական ոռոգման համակարգ՝** արտեզյան ջրհորներ, պոմպակայաններ, խողովակաշարեր՝ շենքերով, էլեկտրահաղորդման գծերով և այլ ենթակառուցվածքներով (այսուհետ՝ համակարգ):

2) **շահագործող՝** գյուղատնտեսական արտադրություն վարող իրավաբանական կամ ֆիզիկական անձ, որը սահմանված կարգով մեխանիկական եղանակով ոռոգման համար շահագործում է անհատական համակարգ:

3) **ոռոգման ջրի համար ծախսված էլեկտրաէներգիայի արժեքի սուբսիդավորման միջոցառման մասնակից՝** միջոցառումների իրականացման գործընթացում ներգրավված պետական և տարածքային կառավարման մարմինները:

4) **ոռոգման ջրի համար ծախսված էլեկտրաէներգիայի արժեքի սուբսիդավորում՝** մեխանիկական եղանակով մատակարարվող ջրի համար ծախսված էլեկտրաէներգիայի արժեքի լրիվ կամ մասնակի չափով Լեռնային Ղարաբաղի Հանրապետության պետական բյուջեից անհատույց և անվերադարձ տրամադրվող դրամական հատկացում:

5) **ոռոգման ջուր՝** գյուղատնտեսական մշակաբույսերի ոռոգման համար նախատեսված և ոռոգման ջրի ստանդարտներին համապատասխանող ջուր:

6) **ջրամատակարար՝** ջրառ իրականացնող, ջուրն ամբարող և (կամ) ջրօգտագործողներին մատակարարող անձ:

7) **ջրօգտագործող (հետագայում՝ բաժանորդ)՝** իրավաբանական կամ ֆիզիկական անձ, որը սահմանված կարգով հանդիսանում է ջրամատակարարի հետ ջրօգտագործման պայմանագիր կնքած անձ:

II. ՍՈՒԲՍԻԴԱՎՈՐՄԱՆ ԳՈՐԾԸՆԹԱՅԻ ԿԱԶՄԱԿԵՐՊՈՒՄԸ

3. Միջոցառումների իրականացման գործընթացում ներգրավված պետական և տարածքային կառավարման մարմիններն իրականացնում են հետևյալ միջոցառումները՝

1) Լեռնային Ղարաբաղի Հանրապետության գյուղատնտեսության նախարարությունը (այսուհետ՝ նախարարություն) վերահսկում է միջոցառումների իրականացման գործընթացը:

2) Լեռնային Ղարաբաղի Հանրապետության համապատասխան շրջանի վարչակազմի ներկայացուցիչը մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման գործընթացի ապահովման համար գույքագրում է շրջանում գործող համակարգերը՝ նշելով համայնքը, տեղանքը, շահագործողին, պոմպի հզորությունը, ինչպես նաև դրանց տակ մշակվող գյուղատնտեսական մշակաբույսերի տարածքների մակերեսը:

4. Մեխանիկական եղանակով իրականացվող գյուղատնտեսական մշակաբույսերի ոռոգում իրականացնելու ցանկություն ունեցող բաժանորդները ոռոգման ջրի հայտեր են ներկայացնում և նրանց հետ ոռոգման ջրի մատակարարման պայմանագրեր են կնքվում Լեռնային Ղարաբաղի Հանրապետության օրենսդրությամբ սահմանված կարգով, իսկ շահագործողները ոռոգման ջրի հայտերը ներկայացնում են համապատասխան շրջանի վարչակազմին՝ համաձայն N 1 ձևի:

5. Շահագործողը և համապատասխան շրջանի վարչակազմի ներկայացուցիչները, յուրաքանչյուր ամիս մինչև տվյալ ամսվան հաջորդող ամսվա 7-ը, հիմք ընդունելով շահագործողների կողմից ներկայացված ոռոգման ջրի հայտերը, կատարում են շահագործողի կողմից օգտագործած ջրի ծավալի, դրա դիմաց վճարման ենթակա գումարի չափերի գրառում ոռոգման ջրի հանձնման-ընդունման ակտում (այսուհետ՝ ակտ)՝ համաձայն N 2 ձևի:

6. Մատակարարված ջրի ծավալի դիմաց ծախսված էլեկտրաէներգիայի քանակը հաշվարկվում է համաձայն համակարգում տեղադրված պոմպերի հզորության և համակարգերին կից ենթակայանների վրա տեղադրված էլեկտրաէներգիայի քանակը հաշվառող սարքերի միջոցով՝ ըստ գործող սակագների:

7. Սույն կարգի 5-րդ կետում նշված ակտը շահագործողի կողմից մինչև յուրաքանչյուր ամսվան հաջորդող ամսվա 10-ը ներկայացվում է համապատասխան շրջանի վարչակազմ:

8. Համապատասխան շրջանի վարչակազմի ղեկավարը և ջրամատակարարը մինչև յուրաքանչյուր ամսվան հաջորդող ամսվա 15-ը ամփոփ տեղեկություններ են ներկայացնում նախարարություն՝ համաձայն N 3 ձևի:

9. Մեխանիկական ոռոգման համար ծախսված էլեկտրաէներգիայի արժեքի սուբսիդավորման համար հիմք են հանդիսանում սույն կարգի 8-րդ կետում նշված՝ նախարարություն ներկայացված տեղեկությունները:

10. Ոռոգման ջրի ծավալը որոշվում է գյուղատնտեսական մշակաբույսերի համար հաստատված ջրման ու ոռոգման նորմերի հիման վրա՝ համաձայն աղյուսակի:

11. Սուբսիդավորման ենթակա է շահագործողի համար անհատական համակարգից մատակարարվող 1 խորանարդ մետր ջրի համար ծախսված էլեկտրաէներգիայի արժեքի և ինքնահոս եղանակով ոռոգման 1 խորանարդ մետր ջրի սակագնի տարբերությունը, իսկ ջրամատակարարի համար՝ համակարգից մատակարարվող 1 խորանարդ մետր ջրի համար ծախսված էլեկտրաէներգիայի արժեքը ամբողջությամբ՝ ներառյալ նախարարության կողմից տվյալ համակարգերում հաշվարկված կորուստները:

12. Գյուղատնտեսական մշակաբույսերի համար հաստատված ջրման ու ոռոգման նորմերից և նախարարության կողմից տվյալ համակարգերում հաշվարկված կորուստներից ավել ծախսված էլեկտրաէներգիայի արժեքը սուբսիդավորման ենթակա չէ:

13. Սուբսիդավորումը կատարվում է հիմք ընդունելով Լեռնային Ղարաբաղի Հանրապետության հանրային ծառայությունները և տնտեսական մրցակցությունը

կարգավորող պետական հանձնաժողովի կողմից սահմանված ինքնահոս եղանակով ոռոգման ջրի մատակարարման ծառայության մատուցման սակագինը:

14. Նախարարությունը, սույն կարգի 8-րդ կետում նշված տեղեկությունները ստանալուց հետո մինչև տվյալ ամսվա 20-ը ընդհանրացնում և դրանց հիման վրա Լեռնային Ղարաբաղի Հանրապետության ֆինանսների նախարարություն է ներկայացնում համապատասխան հայտ:

15. Լեռնային Ղարաբաղի Հանրապետության ֆինանսների նախարարությունը՝ սույն կարգի 14-րդ կետում նշված հայտը ստանալուց հետո, մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման համար Լեռնային Ղարաբաղի Հանրապետության տվյալ տարվա պետական բյուջեով նախատեսված միջոցներից սահմանված կարգով հատկացնում է համապատասխան ֆինանսական միջոցներ:

16. Նախարարությունը, ֆինանսական միջոցները ստանալուց հետո դրանք տրամադրում է ջրամատակարարին և շահագործողին՝ սույն կարգի 11-րդ կետում նշված, բաժանորդի կողմից մեխանիկական ոռոգման համար ծախսված էլեկտրաէներգիայի արժեքի սուբսիդավորման համար:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ**

Լ. ԳՐԻԳՈՐՅԱՆ

**ՀԱՅՏ
ՈՌՈԳՄԱՆ ԶՐԻ**

_____ (բաժանորդի ծածկագիրը)

1. _____
(շահագործողի Ա.Ա.Հ., անվանումը, հեռախոսահամարը)

2. _____
(հասցեն)

3. _____
(տնօրենի Ա.Ա.Հ., հեռախոսահամարը)

4. _____
(անձնագրային տվյալները, եթե իրավաբանական անձ է՝ պետական ռեգիստրում գրանցման ամիսը, ամսաթիվը, տարեթիվը և ծածկագիրը)

5. _____
(սեփականության կամ վարձակալության իրավունքը հաստատող փաստաթղթի տվյալները)

6. _____
(ջրառ կատարելու տեղանքը, ծավալը)

7. _____
(մեխանիկական եղանակով ոռոգվող տեղանքը)

8. _____
(ոռոգվող գյուղատնտեսական մշակաբույսերի ցանկը)

(ստորագրությունը)
Կ. Տ.

(շահագործողի Ա.Ա.Հ., անվանումը)
Կ. Տ.

ԱԿՏ
ՈՌՈԳՄԱՆ ՋՐԻ ՀԱՆՁՆՄԱՆ-ԸՆԴՈՒՆՄԱՆ

_____ ամսվա համար, _____ 20 թ.

Հ/հ	Շահագործողի անունը, ազգանունը, հայրանունը, անվանումը	Համայնքը, պետական պահուստային ֆոնդը, մեխանիկական եղանակով ոռոգվող տեղանքը	Ոռոգվող գյուղատնտեսական մշակաբույսերի ցանկը	Ոռոգվող հողատարածքը ընդամենը (հա)	Մեկ ամսում մատակարարված ջրի ծավալը (խ.մ.)	Ջրի արժեքը (<< դրամ)	Շահագործողի ստորագրությունը
1							
2							
3							
4							
5							

_____ շրջանի վարչակազմի ղեկավար

(ստորագրությունը)

Կ. Տ.

ՆՈՐՄԵՐ

ԼՂՀ ՀԱՐԹԱՎԱՅՐԱՅԻՆ ԳՈՏՈՒ ՇԱԳԱՆԿԱԳՈՒՅՆ, ՄԻՋԻՆ ՀՁՈՐՈՒԹՅԱՆ, ՄԻՋԱԿ ԿԱՎԱ-
ԱՎԱՋԱՅԻՆ ԵՎ ԱՎԱՋԱ-ԿԱՎԱՅԻՆ ՀՈՂԵՐՈՒՄ ԳՅՈՒՂԱՏՆՏԵՍԱԿԱՆ ՄՇԱԿԱԲՈՒՅՍԵՐԻ
ՋՐՄԱՆ ՈՒ ՈՌՈԳՄԱՆ

Ծովի մակարդակից մինչև 500 մետր բարձրություն

Հ/հ	Մշակաբույսը	Ջրումների քանակը	Ջրման նորմը մ ³ /հա	Ոռոգման նորմը մ ³ /հա
*1	Աշնանացան ցորեն	4	850	3400
*2	Եգիպտացորեն	4	750	3000
3	Արևածաղիկ	5	700	3500
4	Կարտոֆիլ (վաղահաս)	5	650	3250
5	Ծխախոտ	12	650	7800
6	Բանջարաբոստանային	16	500	8000
7	Առվույտ	7	900	6300
8	Խաղողի այգի	5	1100	5500
9	Պտղատու այգի	5	1000	5000
10	Բամբակ	5	750	3750
11	Կտավատ	2	800	1600
12	Սոյա	3	600	1800

Ծովի մակարդակից 500 -900 մետր բարձրություն

Հ/հ	Մշակաբույսը	Ջրումների քանակը	Ջրման նորմը մ ³ /հա	Ոռոգման նորմը մ ³ /հա
*1	Աշնանացան ցորեն	3	850	2550
*2	Եգիպտացորեն	3	750	2250
3	Արևածաղիկ	4	700	2800
4	Կարտոֆիլ (վաղահաս)	4	600	2400
5	Ծխախոտ	10	600	6000
6	Բանջարաբոստանային	12	450	5400
7	Առվույտ	5	900	4500
8	Խաղողի այգի	4	1100	4400
9	Պտղատու այգի	4	1000	4000
10	Կտավատ	1	800	800
11	Սոյա	2	600	1200

Ծովի մակարդակից 900 մետրից

բարձր

Հ/հ	Մշակաբույսը	Ջրումների քանակը	Ջրման նորմը մ ³ /հա	Ոռոգման նորմը մ ³ /հա
*1	Աշնանացան ցորեն	2	800	1600
*2	Եգիպտացորեն	3	700	2100
3	Արևածաղիկ	3	700	2100
4	Կարտոֆիլ (վաղահաս)	4	550	2200
5	Ծխախոտ	6	550	3300
6	Բանջարաբոստանային	8	450	3600
7	Առվույտ	4	800	3200
8	Խաղողի այգի	-	-	-
9	Պտղատու այգի	3	1000	3000
10	Կտավատ	1	750	750
11	Սոյա	1	600	600

*Օանտություն աշնանացան ցորենը և եգիպտացորենը խորքային հորերից ոռոգվելու դեպքում ծախսված էլեկտրաէներգիայի արժեքը սուբսիդավորման ենթակա չէ:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Լ. ԳՐԻԳՈՐՅԱՆ

ՀԻՄՆԱՎՈՐՈՒՄ

«ՄԵԽԱՆԻԿԱԿԱՆ ԵՂԱՆԱԿՈՎ ՄԱՏԱԿԱՐԱՐՎՈՂ ՈՌՈՉՄԱՆ ՋՐԻ ՀԱՄԱՐ ԾԱԽՍԿԱԾ ԷԼԵԿՏՐԱԷՆԵՐԳԻԱՅԻ ԱՐԺԵՔԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՓԵՏՐՎԱՐԻ 12-Ի N 54-Ն ՈՐՈՇՈՒՄՆ ՈՒԺԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ

Անհրաժեշտությունը

«Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2015 թվականի փետրվարի 12-ի N 54-Ն որոշումն ուժը կորցրած ճանաչելու մասին» Լեռնային Ղարաբաղի Հանրապետության կառավարության որոշման նախագծի ներկայացումը պայմանավորված է մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման անհրաժեշտությամբ:

Կարգավորման նպատակը և բնույթը

Նախագծի նպատակը մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորմանն ուղղված միջոցառումների իրականացման գործընթացի հստակ սահմանումն է:

Ակնկալվող արդյունքը

Որոշման նախագծի ընդունմամբ հնարավորություն կստեղծվի շահագործողի կողմից գյուղատնտեսական մշակաբույսերի ոռոգումը կատարել անհատական համակարգից մատակարարվող 1 խորանարդ մետր ջրի համար ծախսված էլեկտրաէներգիայի արժեքի և ինքնահոս ոռոգման 1 խորանարդ մետր ջրի սակագնի տարբերությունը, իսկ ջրամատակարարի կողմից՝ համակարգից մատակարարվող 1 խորանարդ մետր ջրի համար ծախսված էլեկտրաէներգիայի արժեքը ամբողջությամբ պետության կողմից սուբսիդավորելու միջոցով:

Նախագծի մշակման գործընթացում ներգրավված անձինք

Նախագիծը մշակվել է Լեռնային Ղարաբաղի Հանրապետության գյուղատնտեսության նախարարության աշխատակազմի ջրային համակարգերի օգտագործման և պահպանության պետական տեսչության, ջրային տնտեսության և ինժեներական մեխորացիայի և իրավաբանական բաժինների կողմից:

Այլ տեղեկություններ

«Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2015 թվականի փետրվարի 12-ի N 54-Ն որոշումն ուժը կորցրած ճանաչելու մասին» Լեռնային Ղարաբաղի Հանրապետության կառավարության որոշման նախագիծը սահմանված կարգով դրվել է հանրային քննարկման Լեռնային Ղարաբաղի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

ԼՂՀ ԳՅՈՒՂԱՏՆՏԵՍՈՒԹՅԱՆ

ՏԵՂԵԿԱՆՔ

«ՄԵԽԱՆԻԿԱԿԱՆ ԵՂԱՆԱԿՈՎ ՄԱՏԱԿԱՐԱՐՎՈՂ ՈՌՈԳՄԱՆ ԶՐԻ ՀԱՄԱՐ ԾԱԽՍՎԱԾ ԷԼԵԿՏՐԱԷՆԵՐԳԻԱՅԻ ԱՐԺԵՔԻ ՍՈՒՔՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՓԵՏՐՎԱՐԻ 12-Ի N 54-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆԵՐՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՈՒՄՆԵՐԻ ԿԱՄ ՆՎԱԶԵՑՈՒՄՆԵՐԻ ՄԱՍԻՆ

«Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2015 թվականի փետրվարի 12-ի N 54-Ն որոշումն ուժը կորցրած ճանաչելու մասին» Լեռնային Ղարաբաղի Հանրապետության կառավարության որոշման նախագծի ընդունումը պետական կամ տեղական ինքնակառավարման մարմնի բյուջեում ծախսերի և եկամուտների էական ավելացում կամ նվազեցում չի պահանջում:

ՏԵՂԵԿԱՆՔ

«ՄԵԽԱՆԻԿԱԿԱՆ ԵՂԱՆԱԿՈՎ ՄԱՏԱԿԱՐԱՐՎՈՂ ՈՌՈԳՄԱՆ ԶՐԻ ՀԱՄԱՐ ԾԱԽՍՎԱԾ ԷԼԵԿՏՐԱԷՆԵՐԳԻԱՅԻ ԱՐԺԵՔԻ ՓՈԽՀԱՏՈՒՑՄԱՆ ԿԱՐԳԸ ՀԱՍՏԱՏԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՓԵՏՐՎԱՐԻ 12-Ի N 54-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ

«Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2015 թվականի փետրվարի 12-ի N 54-Ն որոշումն ուժը կորցրած ճանաչելու մասին» Լեռնային Ղարաբաղի Հանրապետության կառավարության որոշման նախագծի ընդունումը այլ իրավական ակտերի ընդունման անհրաժեշտություն չի առաջացնում:

ԻՐԱՎԱԿԱՆ-ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ
«ՄԵԽԱՆԻԿԱԿԱՆ ԵՂԱՆԱԿՈՎ ՄԱՏԱԿԱՐԱՐՎՈՂ ՈՌՈԳՄԱՆ ԶՐԻ ՀԱՄԱՐ
ԾԱԽՍՎԱԾ ԷԼԵԿՏՐԱԷՆԵՐԳԻԱՅԻ ԱՐԺԵՔԻ ՓՈԽՀԱՏՈՒՑՄԱՆ ԿԱՐԳԸ
ՀԱՍՏԱՏԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՓԵՏՐՎԱՐԻ 12-Ի N 54-Ն ՈՐՈՇՈՒՄՆ ՈՒԺԸ
ԿՈՐՑՐԱԾ ՃԱՆԱԶԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ

«Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2015 թվականի փետրվարի 12-ի N 54-Ն որոշումն ուժը կորցրած ճանաչելու մասին» Լեռնային Ղարաբաղի Հանրապետության կառավարության որոշման նախագծի վերաբերյալ առաջարկություններ և դիտողություններ չկան:

ԼՂՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏԻ
ՊԱՇՏՈՆԱԿԱՏԱՐ

Ն.ԳՐԻԳՈՐՅԱՆ

**ԼՂՀ ԿԱՌԱՎԱՐՈՒԹՅԱՆ ԵՎ ԼՂՀ ՎԱՐՉԱՊԵՏԻ
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

Որոշման նախագծի անվանումը՝

«Մեխանիկական եղանակով մատակարարվող ոռոգման ջրի համար ծախսված էլեկտրաէներգիայի արժեքի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2015 թվականի փետրվարի 12-ի N 54-Ն որոշումն ուժը կորցրած ճանաչելու մասին»

Նախագիծը ներկայացնողը՝

ԼՂՀ գյուղատնտեսության նախարարություն

ԼՂՀ կառավարության և ԼՂՀ վարչապետի որոշումներն ուղարկել՝

1. ԼՂՀ գյուղատնտեսության նախարարություն
2. ԼՂՀ արդարադատության նախարարություն
3. ԼՂՀ ֆինանսների նախարարություն
4. ԼՂՀ շրջանների վարչակազմեր

Նախագիծը պատրաստողը՝

Լեռնային Ղարաբաղի Հանրապետության գյուղատնտեսության նախարարության աշխատակազմի ջրային համակարգերի օգտագործման և պահպանության պետական տեսչություն

Ներսիսյան

_____ **Ա.**
(ստորագրությունը)

«_____» _____ 2016թ.